

L'arrivu dal Vescuv

Autor(en): **Bassi, Achille**

Objekttyp: **Article**

Zeitschrift: **Quaderni grigionitaliani**

Band (Jahr): **5 (1935-1936)**

Heft 4

PDF erstellt am: **02.05.2024**

Persistenter Link: <https://doi.org/10.5169/seals-7504>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

L'ARRIVU DAL VESCUV

Già ca pochi nuvità
al ghè intorn stu temp chilò,
ma permetti da va cüntà
üna storia, ca sev gnamò,
ca l'è dessa capitada
tanc ann fà in nosssa vallada.

L'era intorn all'ann cinquanta,
senza strada dal Bernina.
Vera in part, o tütta quanta,
l'è süccess sta pantumina.
La cüntava 'l barba Elia,
mi la porti incö in puesia.

Al noss Vescuv da qui temp
al vignia a cresmà i budan
e i cattolich il frattemp,
i currean fin da luntan,
sü alla Villa al riceva,
cun l'unur chi ga voleva.

Notu al di e circa l'ura
dall'arriv dal gran Prelatu,
la Depütazion d'illura,
par rangià l'affare esattu,
sülla Torr da San Vittur,
l'ea mandù giuan da valur,

cull'incaric da guardà
vers Cavaglia attentament,
si vedevan a spüntà
al bon Vescuv cun sua gent:
e vedendul in discesa,
da sunà alla distesa

li campani tütti quanti,
ca illura i parrucchian
i saroan marciai avanti,
al riceva a battiman.
Sti mategl da lassü in zomm,
gl'hann guardù cun atenzion.

Fattu stà ca in un mument,
gl'hann vüdü sotto li Caderi,
a vignì un ruscett da gent,
cun dua besti sumieri,
chi pareva doi cavallin,
snell da formi e da pel fin...

« Eccu 'l Vescuv », gl'hann cridù
giò a quigl davant la gesa,
e pö sübit gl'hann sunù,
li campani alla distesa.
Issa 'l popul cun fervur,
l'è ü incuntra al sè Pastur.

Sotta l' sonn da li campani,
gl'enn rivai sü par Martin.
Li bun'animi cristiani,
chi guidava i pellegrin,
gl'hann impost da sa fermà
e pö da sa inginöglià.

Gl'eran gnamò ben a post,
ca l'è già scià la brigada,
ma invece dal suppost
Munsignur cun la sua squadra,
l'era nomà doi asnin,
lung d'ureggi e furmentin,

cun dua somi da puini
e scurtai da tre casè
da Prairol (senza marsini),
chi vignivan giò a vedè,
da li venda ai Pusciavin,
« gent de puls e de quattrin »

I cristiann da la grignada,
gl'eran ner cumè lavegg!
Ma chi sort da cuiunada,
cal ciapava i noss por vegg!
Anca in di la religion,
al ga vol sua precaüzion.

Ma stu casu 'l sarà mai,
scornu par la religion;
sa nösce vegg i s'enn sbagliai,
l'è parchi gl'eran troppo bon.
Qui ha issa bon cristian,
i fann miga tant baccan.

Achille Bassi.